

CUMÜN DA SENT

Il mas-chalch da Sent



Publicaziuns officialas. Cumpara seguond bsögn.
2009/2011
no. 45

7554 Sent, 15 settember 2011 / cl

Elecziuns cumünalas pel trienni 2012 - 2014

Als 28 avuost 2011 han gnü lö las elecziuns cumünalas per la perioda d'uffizi 2012 - 2014.
Las seguaintas personas sun gnüdas elettas ed han acceptà lur tscherna officialmaing:

Capo cumünal: Albert Mayer

Cussagl cumünal: Andri Poo, Men Caviezel, Marianne Werro-Lehmann, Dumeng Jann

Cumischiun sindicatoria: Andri Lansel, Domenic Augustin, Chasper Ruben

Cussagl da scoula: Roland Franziscus, Seraina Felix-Gallmann, Jon Cantieni, Patrizia Wieser-Ruben
Il büro electoral

Cults divins

18 settember: Di d'urazchun federal

10.00 cult divin cun musica instrumentala

2 october: Festa da racolta e d'ingrazchamaint

10.00 Cult divin cun Soncha Tschaina, imbelli da scolars da la terza classa,
battaisems da Lia Fried e da Cyrill Cadosch

Als 1. october a partir da las 13.30 vain decorada la baselgia. Per fluors, frütta e verdüra savaina grà.

La pravenda

S-chargiada d'alp e vendita da chaschöl gio dal char

Sco üsità daina eir quist on la pussibilità a tuot la populaziun da cumprar chaschöl da Lavèr gio dal char al di da la s-chargiada d'alp.

Predsch dal di: **Chaschoulas d'alp interas (pais da pressa): frs. 17.-- al kg**
Chaschöl d'alp al toc (pais effectiv): frs. 19.-- al kg

Cura: **Sonda, 24 settember 2011, da las 10.00 fin las 14.00**

Ingio: **Davant chascharia**

I vain organisà ün'ustaria cun latmilch ed oters prodots. Tuots sun amiaivelmaing invidats.

La Società d'alp e chascharia

Marchà d'utuon 2011

Sco minch'on ha lö eir quist on a Sent in Plaz il marchà d'utuon. Il termin es in **sonda, als 1. october 2011 da las 10.00 fin a las 16.00**. Annunzchas ed infuormaziuns piglia incunter duonna Nadja Demonti-Ritz – Telefon 078 829 53 35

Il comitè dal marchà

Palperi vegl

In marcurdi, als 5 october 2011 a partir da las 08.00 ramassaina palperi vegl.

Attenziun! Tenor las directivas da la Pro Engiadina Bassa pudaina ramassar be plü palperi lià in faschs cun cordas chi tegnan. (Sachs e tas-chas da plastic e da palperi sco eir chartun nu sun admiss).

La scoula

Proget da chant

No vain decis d'organisar dal 2011/2012 ün proget cumünaivel cul cor da Ramosch. Quel proget nun ha be il böt da svagliar il plaschair da chantar, ma eir da promover la cumünanza. Sco culminaziun vaina previs da prodüer noss resultats in fuorma da concert illas baselgias da

Sent (sonda, 2 gün 2012-20.15) e da Ramosch (dumengia, 3 gün 2012-17.00).

Program Coros d'opera



Giuseppe Verdi (1813-1901)

Per quist proget esa important da mobilisar daplüs homens!

Las prouvas (4 blocs a 6-8 prouvas) han lö il lündeschdi saira. I dà in mincha cas singulas prouvas cumünaivlas cul cor da Ramosch suot la guida da Nina Mayer e da Jachen Janett chi dirigiaran eir ils concerts!

Prüma prouva cun orientaziun:
lündeschdi, 24 october 2011 / 20.15 scoula
Gianna Bettina ed Andri Gritti

Da dar a fit a Sent

A partir da subit o tenor curvegna, **abitaziun da 1½ stanzas** möblada o na möblada. Per ulteriuras infuormaziuns sta jent a disposiziun: Fam. Irene & Lorenz Scandella, Vidos 270, Sent. Telefon no. 081 864'98'46 / 079'312'11'40.

Irene e Lorenz Scandella

Tscherchè a Sent

Persuna fidada per far la pulizia pro la müdada d'esters. Daplü da 40 ons fittaina nossa chasa da vacanzas sü Saranschasch a Sent. Per la müdada d'esters tscherchaina uossa üna persuna fidada chi ha peida da pulir e custodir nossa chasa da vacanzas. La persuna tscherchada stuvess avair peida var 15 fins d'eivna (pel solit in sonda) illa stagiun ota tanter las 10:00 e las 15:00 da pulir e custodir la chasa e da müdar e lavar la roba da let. Persunas interessadas s'annunzchan p.pl. per telefon o per mail pro nus. G: 044 776 20 41 P: 044 776 20 41 o lura: rickli@rickli.com

Hansueli Rickli

Tscherchè a Sent

l' centrum dal cumün opür a Sala
Abitaziun da 3 – 3 ½ stanzas
Fit maximal al mais: frs. 1'200.--(incl. cuosts supplementars)
Tel.: 052 365 16 77

Katharina Frei